

活幼心法大全卷之七

明清江聶尚恒父著

清肝黎黃光會畏巖父校

治痘醫案十一條

予第四兒生四十日卽出痘其初頭上并身上不過三五點兒身不甚熱飲乳如常看者皆謂此兒痘極少當不滿百粒。予以爲未必然。卽令禁風調理。再越三日而遍身出痘甚多。頭上胸腹腰背手足俱稠密之甚。至於額上面上及陰囊等處。俱一片純紅。不分顆粒。臍內痘

甚多。臍因腫大突出。舌上痘亦多。形如白米濃漿布置滿舌。看者皆以爲兒小痘多。又有不順諸症。此必不可爲矣。予見其痘出紅活。又頗能飲乳。以爲尚可調治。慮其血氣難支。因以人參黃芪熟甘草煎濃汁。時與乳相間服之。以助其灌膿起脹。至於五六日後。其頭上之痘多有膿漿。而間有水泡。至於身上及手足。則水疱大半而膿疱僅小半耳。予以爲兒小而血氣有限。其理宜然不足憂也。獨憂其額上面上一片純紅者。無一點膿漿。以爲必得皮下有膿。而後毒氣可散。仍時以參芪甘草

汁與之以助其灌膿。至於第七日一更時分額上純紅者。忽有一二處轉黑色。予見之而大驚。先大人亦見之而大驚。以爲此毒盛而將變逆症也。然察兒精神與飲乳。則又未見困憊。是夜三更時見其陰囊亦轉黑結痂。予因悟而喜曰。此非惡候。乃痘欲收而結痂也。緣兒小而血氣易於周浹。是以七日後卽收靨。不可拘以九日常期也。果而第八日寅卯時分。自上至下。遍身俱結痂。至晚而結完。第九日自上至下。遍身俱落痂。至晚而落完。痂落完後。遍身復發大熱。予曰。此痘毒未能盡發。是

以速收速落而復發熱如此。蓋余毒盛而欲發癰也。急宜解毒。因以大連翹飲濃煎汁。每用半酒杯。以茶匙緩緩挑服之。凡一日一夜。服至三酒杯。而熱退身涼。可無癰患矣。其鼻上痂落一層。又結一層。封閉鼻氣不得出。因以蜜潤其痂。用良耳竈挑開鼻孔。以出其氣。其一片純紅處。痂雖落而膿水未乾。以黃栢黃連甘草地骨皮五倍子爲細末。糝之而愈。其陰囊流清水。數日不愈。諸藥不效。用綿蜜散糝之而愈。夫以此極小之兒。極多之痘。極危之症。而隨症用藥。其應如神。立起回生。其效甚

大已試之明驗。章章可覩矣。而古人之著書與世人之
治痘。一遇見小痘多與夫穿臍純紅水泡等症。卽棄而
不治。不亦大悞矣乎。生靈天死。何可勝計也。雖往者不
可如何。而來者猶及救也。有司命之責者。懷慈幼之仁
者。急宜知之。

予次女六歲出痘。發熱甚緩。至二日而面與手微有痘
影。數點熱至第四日而痘影仍是數點。且帶白色。但困
倦嗜臥。不思飲食。時醫視之。謂其痘瘡輕少。不滿百粒。
予心疑之。以爲若痘不滿百。其兒當精神清爽。飲食如

常今困倦嗜臥不思飲食而痘影淡白此其痘不少因血氣虛弱送毒氣不出故也因以溫中益氣湯

方見前

托之服一劑而皮下紅點隱隱欲出者甚多服二劑而痘出大半一日一夜連服四劑而遍身出齊稠密之甚緣此女未出痘數日前曾患發熱嘔吐稍傷胃氣是以血氣弱而送痘不出必待溫中托裏而後痘出也其時有一婢與之同日發熱其困倦嗜臥不思飲食痘色淡白等症一一與之相類但此婢數月前曾經出赤痘遍體稠密其父母誤認以爲已經出痘遂謂前症不是痘

瘡。勿令服藥。但時以蒿菜湯及粥食與之而已。至於第六日。忽然變症。痰湧直視。須臾而死。此痘不得出而內攻之禍也。藉令予女不於第四日用藥托出痘毒。而延至第六日。不與此婢同斃乎。以此知治痘於當出不出之時。若不能察其虛實。而逐之出外。其不測之變。其可畏也。

予妹年二十三歲。有娠三四月。夜間偶爲盜賊所驚。因歸寧到家。不數日而半產。又不數日而發熱二日。而痘出頗多。至四五日而痘出齊。稠密可憂。又兼嘔吐。痘色

淡白。諸醫見其稟氣怯弱。半產虧損。痘出又多。皆不敢
施治。予曰。豈有坐而待斃者乎。因以參朮陳皮等。安和
胃氣。止其嘔吐。而痘色亦略轉紅。活。予喜曰。此可溫補
而調治也。因以參芪芎歸炙草官桂丁香木香等大補
劑。屢投之。每服補劑後。其痘色輒轉紅活。若半日不服
藥。則又轉而淡白。予因一日一夜。必投以一大劑。至於
痘正灌膿時。聞其血路尚未淨。予曰。此注瀝厄也。急於
前補劑中。去官桂木香。加炒黑乾薑蜜炒升麻柴胡各
一錢二分。阿膠艾葉各八分。服二劑而血路立止。仍除

此五味依前補劑。頻頻投之。其膿漿漸漸克滿。至二十餘日。而後收靨獲安。後又患眼腫翳。頗甚。服清毒發翳湯。方見前。數十劑。而愈。當其服大補劑時。每劑用參芪各三錢。丁香各一錢。他藥多寡。稱是。前後二十日。服過四十餘劑。遇此極虛之症。若不用此峻補之藥。其能拯危爲安乎。而區區常格。何足拘乎。

一表弟年十五。出痘遍身稠密。至八九日。當灌膿時。其痘粒粒陷入成窩。諸醫用木香異功等藥治之。其陷伏愈甚。惟有待斃而已。予往視之。見其痘色紅紫。而體氣

血氣正行漿而毒氣壅蔽之故陷

頗壯予曰此非虛弱乃毒氣壅蔽血氣是以陷伏不行

伏也清其毒口而日血口氣日行

漿也因以清毒活血湯方見前與之辰時投一劑至午

時而陷伏立起再投一劑而膿漿克滿不必服藥矣及

至將靨時又發熱蒸蒸不靨投以回天甘露飲方見前

湯而收靨獲安矣

一表弟年四歲出痘至八九日當灌膿時尚無一點膿

漿然其痘色紅紫予知其毒盛血熱是以漿滯不行亦

以清毒活血湯與之服完一劑而膿漿即日克滿竟獲

全安

一表弟年十三出痘身熱三四日後痘出隱隱數點忽
然驚狂譫語欲走出外醫欲以涼藥解毒其家疑而請
予視之子診其脉緩弱而察其痘色淡白予曰此其症
雖似陽然因血氣弱而送毒不出故發狂譫也因投以
溫中益氣湯一劑而痘出遍身狂譫自解精神清爽不
必服藥矣。

予妻弟年十八出痘痘甚稠密既已收結而煩悶不食
日鼻時微有血危困之甚予妻兄治之以爲症不可爲
矣予視其症知其元氣雖弱而毒氣壅盛未解也治以

酒炒芩連酒洗歸芍前胡桔梗牛旁連翹木通紫草之類服二劑而精神清爽能進飲食可保無虞矣予因戒令且勿服藥歸而語予婦曰汝兄暗於理而莽於醫彼見吾治汝弟以清涼取効必將執泥其方而施與不當用者不知將誰受其害也已而越數日妻弟痘痂尚未落盡而眼欲赤腫妻兄果謂其熱毒盛而可用清涼也遽投以生三黃生梔子生石膏等大寒之劑午前纔投一劑午後忽然變症須臾死矣初慮其將執方以誤他人不虞其卽以殺其弟也嗟乎同一清涼之藥同用之

一人之身用得其宜則可以生之用失其宜則可以殺之用藥者可以弗精弗慎乎哉

一表任孫年十歲出痘痘極稠密而頸項甚多俗謂之

鎖頸痘又有暴脹痘數粒在各處謂之賊痘又其痘初

出帶紫黑色諸醫技窮束手以爲斷不可治之症也其

家星夜請予視之予至時其痘已出六日有餘正當灌

膿之時而尚無些少膿漿醫者因其兒體氣素強又有

賊痘等疑尚以解毒藥與之予曰此但得灌膿克滿則

可生何必拘拘以鎖頸與賊痘爲疑也且到此灌膿時

力心去
卷之七
痘症醫案
七

又何可解毒也。其見素驕不肯服藥。而喜飲酒。予曰。此
正宜於飲酒。可因之以爲用。遂製參歸鹿茸湯。方見前

一大劑。令其濃煎汁。而以好酒相半和勻。與兒頻頻飲。

之。自先日申時分起。至次日辰時分。服完一劑。視其頭

面各處。瘡瘡已灌膿漿大半矣。是日午刻。忽然糖泄二

次。知其內虛而脾弱也。因製參朮散。方見前投稀粥內。

服二三錢而泄立止。後再服參歸鹿茸湯一劑。而濃漿

京滯矣。收靨後。餘毒頗盛。大便秘澀。用大連翹飲加酒

炒大黃壹錢貳分。服而安。

一族任年四歲出痘。其痘正起脹時。泄瀉大作。醫投以參朮柯朮之類。竟不能止。勢甚危急。予以參朮散投之。服數次。約有五六錢許。而泄立止。因以獲安。

一幼兒年三歲出痘。將厲時。泄不止。諸藥不効。予以七

味豆蔻丸數十粒與之。亦不能止。其丸從大便中泄出。予知其虛滑甚也。仍以豆蔻丸數十粒。教令以米飲浸軟。研爛如泥。和粥少許食之。其泄立止。痘靨而安。予用此二方以止痘中虛寒泄瀉。起危救困。不可勝計。姑舉其二。以槩其餘。

一幼女年六歲出痘其痘虛弱先服補藥已多至於痘已結痂而忽然泄不止投以異攻散加柯薏亦不止醫將以七味豆蔻丸與之予因思此女一向服補藥何以一旦虛滑若是因審其大便時多努力且所泄糞又少而色黃此必毒氣流注而泄也因以加味四苓散方見前與之一服而泄止後因其大便瀰滯復加人板榔青皮炒枳殼等藥數劑而安予用加味四苓散治痘中熱毒泄取效甚多姑舉一以槩其餘

活幼心法大全卷之八

明清江聶尚恒久可父著

清肝黎黃光會畏巖父校

痧疹
麻疹同

痧疹形如沙。痘疹形如豆。皆象其形而名之也。痧痘俱胎毒。而痘出五臟。臟屬陰。陰主閉藏。其毒深而難散。痧出六腑。腑屬陽。陽主發散。其毒淺而易散。臟陰多虛寒。故痘可溫補。腑陽多實熱。故痧宜解散。然痧雖屬腑。而其熱毒之氣上蒸於肺。肺主皮毛。實受其毒。是以發熱。